



TUHAQTAUYUKHAQ

WTO Qanuriliurnia: Piyakhaa Kanatap Kiutjutigilugu Nattirnik Pilailaqhuraaqtaat

IQALUIT, Nunavut (Julai 28, 2009) Kavamanga Nunavut uplumi angiqtaat Kanatap uuktuffaarutiginahuaqtaat European Union-kut ihumagiffaaquplugu Hivullirmi ihumaliurutigihimayaat pilailaqhuraaqtaat nattiqhiurniq titiraqhimayumi Hilaryuami Niuvrutikhaliqinikkut Timgiyait (WTO-mik taivagaat naittumik) angiqatigiigutainni.

“Quviaginngitaqqaut angiqhimayaat Katimayiita Minista tuvuuna European Union-kut pilailaqhuqhimayaani nattirnik,” uqaqtuq Avatiliqiyitkut Ministaa Daniel Shewchuk.

Kavamanga Nunavut havaqatigihimaaqtaat Kanatap kavamaita Imarmiutaliqiyiit, unalu Ahinirmiutaliqiyit Hilaryuamilu Niuvvaayit, qaangiqtillogu Mii 5 niruarviat Europe-miutat Katimayiryuangita, unniutinahuaqhugit ilaunnaittumik Kanatami nattiqhiuqtit pilailaahuutimit unalu ilaunnaittumik uvuuna Inuit nunallaangit.

“Unniutiliqpaktavut Europe ilaunninniit nunaqaqqaahimayut inuit hutjutaunngitpaktuq qanga uvvalu uplumi hutjutauyunaittuq,” uqaqhimmaqtuq Minista. “UnaEuropean Union-kut naalakhimmaqtait huraaanik nagliktuyut pilaarutainnut tuhaqhimannngiplugit uqaqtait Inuit. Hamna atuqtaat maligaliuqhimayuq ihuannngittumik akturutigiyaa nunapta katimaqatigihimaittumik uvagut. Quvianaittuq – niuviqtuliquipluni, WTO-kutigut qanurilurutikhaq piyakhariyavut.”

Ihumaalugiyaaqatut akturnianik Kanatap nattiqhiurnianut unalu Inuit anguniaqtinut nattirnik amiinnik maniliurutigiqatut.

Hivuliqti Eva Ariak katimaqatigivagait EU-kunni katimayit Kanatamut auyaq uqaqhunilu qanuq piyaxhanik uqautiyaangani Europe-miutat ptiquhikkut pilaqutaanik nattiqhiurniup. Hivuliqti Ariak naahuriyaa imaa “tamarmik nattiliqinikkut aippaanganiplu EU-kut Ukiuqtaqtumi Atuqtakhatigut uqauhiriyaa – pivikhalik ikayuriangani Europe-miutat kangiqhiyaangani atuqpaktainnik Inuit nunaptingni immaqaaklu pihuqhaaruannngitait kinguagut takunnaqtut atuqtakhainnit maligaliuqhimayainnilu Inungnut, Nunavunmut, Kanataplu Ukiuqtaqtuanut.”

###

Kangiqhittiarumagunni, hivayatjavat:

Teresa Hughes
Ministap Havakvia
Avatiliqiyitkut
Kavamanga Nunavut
867 975-5001

ᐱᓚᓕᓕᐱᓕ ᐱᓚᓕᓕᐱᓕ ᐱᓚᓕᓕᐱᓕ ᐱᓚᓕᓕᐱᓕ ᐱᓚᓕᓕᐱᓕ ᐱᓚᓕᓕᐱᓕ ᐱᓚᓕᓕᐱᓕ ᐱᓚᓕᓕᐱᓕ ᐱᓚᓕᓕᐱᓕ ᐱᓚᓕᓕᐱᓕ ᐱᓚᓕᓕᐱᓕ
ᐱᓚᓕᓕᐱᓕ, www.gov.nu.ca.

News releases are available in Inuktitut, English, Inuinnaqtun and French on www.gov.nu.ca.
Tuhagtaghat ittut Inuktitut, Qablunaatitut, Inuinnaqtun Uiviititullu talvani www.gov.nu.ca.
Les communiqués de presse sont disponibles en inuktitut, en anglais, en inuinnaqtun et en français à :
www.gov.nu.ca.